



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Capvt XI. Idem Illustri Regi a Aragoniæ.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

libus: pro cuius expositione diversa tempora distinguenda sunt. Primum nascentis Ecclesiae, quo Ecclesia, quae velut novum germen radices firmas non egerat, Principum auxilio destituta haereticos severe punire non poterat, ut docuit D. August. in cap. displicet, vers. Repetis, 23. q. 4. & tradit Castro lib. 2. de justa haeretic. punit. cap. 4. Secundum tempus cepit ab Imperatoribus Arcadio, & Theodosio, qui circa annum Domini 390. inter alias haereticorum poenas statuerunt confiscationem bonorum, non absolute, sed in defectum filiorum Catholicorum, quibus stantibus deferebatur successio, ut sic allicerentur ad parentum correctionem, & denunciationem: quod & sequentes Imperatores firmarunt. Ad quod tempus referendi sunt textus in d. l. Manicheos, l. cognovimus, Authent. idem, C. hoc tit. cap. quo iure, 8. dist. d. cap. Iudaei 1. q. 4. cap. 1. 23. q. 7. Succesit tertium tempus

nostri Innocentii, qui in praesenti textu absolute constituit bona haereticorum esse confiscanda per sententiam quantumvis filios habeant catholicos: quod & firmavit Bonifacius VIII. in d. cap. cum secundum, adjiciens ut haec confiscatio fiat ipso iure. Quam temporum distinctionem notarunt Glossa penultima, & Villalobos in erario, littera C. num. 15. Tellus Fernandez ad l. 4. Tauri, num. 34. qui recte animadvertunt, textus supra citatos, nec non leges partitae ab eis adductas hodie locum non habere, cum attentis novis constitutionibus Innocentii in praesenti, & Bonifacii in d. cap. cum secundum, haereticorum bona confiscentur, quantumvis ipsi filios orthodoxos habeant: ad filios tamen ante delictum genitos non protrahi praesentem textum, docuerunt plures, quos refert & sequitur Marinus tom. 2. resol. cap. 55.

CAPVT XI.

Idem Illustri Regi a Aragonia.

SI adversus nos terra confurgerit. Et infra: Licet autem a nobis, & praedec. nostris contra haereticos multa sint constituta, nec habeatis excusationem aliquam in peccatis, quasi antiquorum obliti fueritis mandatorum, & quia plus timeri solet, quod specialiter injungitur, quam quod generaliter imperatur: advocatis, & d. scriuariis firmiter inhibemus, ne praefatis haereticis dum fuerint in sua contumacia, & errore paternis, vel credentibus, fautoribus, & defensoribus eorundem ullo tempore in aliquo praestetis auxilium, consilium, vel favorem, nec eis in aliquibus causis, vel factis, vel aliquibus litigantibus sub eorum examine vestrum patrocini-um praebeatis, & pro ipsis publica instrumenta condere, vel aliqua scripta facere nullatenus attentetis. Quod si contra praesumpseritis, ab officio vestro suspensos, perpetuo vos decernimus infamiae subiacere. Caterum ne iudices, & scriuarii, qui consenserunt praefatis haereticis, in huiusmodi praesumptione temeraria sociati, de sua nequitia glorientur, cum privilegium mereatur amittere, qui permessa sibi abutitur potestate, eos ab officio suo iudicamus esse suspensos, decernentes irritum, & inane quicquid per ipsos haereticos praedictos factum fuerit, vel statutum.

NOTAE.

1. **A**ragonis.) Ita etiam legitur in tertia collectione, sub hoc tit. cap. 2. non autem reperitur textus hic inter epistolas ipsius Pontificis editas a Sirleto, & Bosqueto. De hoc Rege Aragoniae egi in cap. quanto 18. de iurejurando.
- b Nobis.) Supra in cap. vergentis.
- c Nostris.) Supra in cap. 6. 7. & 8.
- d Scriuariis.) Id est tabellionibus, ut notavi in cap. 13. de praescript.
2. **P**atrocini-um.) Advocati prohibentur patrocini-um praestare haereticis notoriis, & manifestis, non solum ipsorum errores defendendo, 6. 2. §. haereticus, cap. ut officium, in princip. cap. final. hoc tit. in 6. verum & eis, postquam constat haereticos esse, in causis civilibus patrocini-um praestare, quia vi-

dentur eos fovere: non autem prohibentur haereticos defendere, dum illi suspecti sunt de heresi, & intendunt probare propriam innocentiam, ac se nunquam fecisse, aut dixisse aliquod haereticum: quo casu agitur de defensione legitima, quae nemini denegatur, in Tribunalibus etiam sanctae Inquisitionis. Unde reis advocati conceduntur, cum ipsi aut crimen negant, aut fatentur, sed aliquas exceptiones allegare intendunt. Impenitenti vero etiam advocatus assignatur, qui postquam cognoscit ejus pertinaciam, eum deserit. De his advocatis, & eorum partibus late agunt Simanc. de Catholicis tit. 5. num. 2. Soula in aphorism. Inquisit. cap. 35. Eymericus 3. p. direct. num. 117. Salles tom. 1. de mysteriis tribun. lib. 1. cap. 6. regul. 42. Paramus lib. 3. de orig. s. Inquisit. cap. 4. Carena de offic. Inquisit. p. 1. tit. 10. §. 2. Thomas Delbene p. 1. de offic. Inquisit. dubit. 26.